




ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



**«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ՀԱՅԱՍՏԱՆԻ ԶՅՈՒԴՈՅԻ ՎԵՏԵՐԱՆՆԵՐԻ ԱԶԳԱՅԻՆ ՄԻՈՒԹՅՈՒՆ» ՍՊՈՐՏԱՅԻՆ, ՄՇԱԿՈՒԹԱՅԻՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ**

**Հաշվի առնելով**, որ Կողմերն ընդունում են ձյուդոյի նորովի զարգացմանն ուղղված ձգտումը.

**Զգտելով** զարգացնել համագործակցությունը՝ ձյուդոյի որակյալ մասնագետների պատրաստմանն ուղղությամբ.

**Կարևորելով** «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի ուսանողների ձյուդոյի մրցումներում մասնակցության ակտիվության աստիճանի բարձրացումը.

**Ընդունելով** Կողմերի պատրաստակամությունը՝ համատեղ կրթական, մարզական միջոցառումների իրականացման համատեքստում.

**Հիմք ընդունելով** սույն հուշագիրը և փոխադարձ պայմանավորվածությունները.

**Կողմերը համաձայնեցին հետևյալի շուրջ՝**

**1. Համագործակցության նպատակը**

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

**2. Համագործակցության ուղղությունները**

Սույն հուշագրով համագործակցության շրջանակներում «Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ Ինստիտուտ) և «Հայաստանի ձյուդոյի վետերանների ազգային միություն» սպորտային, մշակութային հասարակական կազմակերպությունը (այսուհետ՝ ՀԿ) պատրաստակամ են.

- 2.1 պարբերաբար միմյանց տեղեկացնել և համատեղ քննարկել ընդհանուր հետաքրքրություն ներկայացնող հարցեր, որոնք թույլ կտան զարգացնել ծյուղոն և դրա տարածվածությունը ոչ միայն ուսանողության, այլև բնակչության լայն շրջանում,
- 2.2 փոխադարձ աջակցության ցուցաբերել մարզական, կրթամարզական միջոցառումների կազմակերպման և իրականացման համատեքստում,
- 2.3 ուսանողների մասնակցության ակտիվության խթանման նպատակով տեղեկատվական միջոցառումներ կազմակերպել, մասնակցության նպաստավոր պայմաններ ստեղծել,
- 2.4 Կողմերը երկուստեք պատրաստակամ են համագործակցել նաև.
  - նորարարական, դրամաշնորհային ծրագրերի համատեղ իրականացման շուրջ,
  - Կողմերի գործունեությանն առնչվող համապատասխան նյութերի հրատարակման ոլորտում,
  - երկկողմանի հետաքրքրություն ներկայացնող ուսումնակրթական բնույթի ծրագրերի մշակման և իրականացման շուրջ,
  - համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու նպատակով,
  - ՀԿ-ում Ինստիտուտի ուսանողների պրակտիկաների կազմակերպման միջոցով,
  - Ինստիտուտի կրթական ծրագրերի մշակման աշխատանքներում,
  - սույն հուշագրի գործողության շրջանակներում, ըստ աշխատանքային անհրաժեշտության, Ինստիտուտի տարածքների և գույքի օգտագործման միջոցով:

### **3. Համագործակցության սկզբունքները**

Կողմերը սույն հուշագրի սահմաններում իրենց գործառույթներն իրականացնում են օրինականության, փոխօգնության, փոխադարձ հարգանքի և վստահության, համագործակցության սկզբունքներով:

### **4. Եզրափակիչ դրույթներ**

- 4.1 Սույն հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն հուշագրի լրացումներն ու փոփոխությունները համարվում են հուշագրի անբաժանելի մասը:
- 4.3 Սույն հուշագիրը չի առաջացնում ֆինանսական պարտավորություններ Կողմերի համար: Սույն հուշագիրը մտադրությունների մասին համաձայնություն է, ինչը պարունակում և հաստատում է Կողմերի

համագործակցելու ցանկությունը և պատրաստակամությունը: Միաժամանակ Կողմերը ընկալում և հաստատում են, որ սույն հուշագրի դրույթները չունեն Կողմերի համար պարտադիր իրավաբանական ուժ:

4.4 Յուրաքանչյուր կողմ կարող է միակողմանիորեն խզել հուշագիրը՝ այդ մասին մեկ ամիս առաջ տեղյակ պահելով մյուս կողմին:

4.5 Սույն հուշագիրը կնքվել է Երևան քաղաքում, 2021թ. մայիսի 25-ին:

4.6 Սույն հուշագիրը ուժի մեջ է մտնում ստորագրման պահից և գործում անժամկետ:

### Կողմերի վավերապայմանները և ստորագրությունները

#### Ինստիտուտ

«Հայաստանի ֆիզիկական կուլտուրայի և սպորտի պետական ինստիտուտ»  
հիմնադրամ

ՀՀ, ք. Երևան, Ալեք Մանուկյան 11

Ռեկտոր՝ Գավիթ Էսիբարյան



#### Հասարակական կազմակերպություն

«Հայաստանի ծյուղոյի վետերանների  
ազգային միություն» սպորտային,  
մշակութային ՀԿ

ՀՀ, ք. Երևան Զարենցի 48, բն 1

Նախագահ՝ Տիգրան Մալխասյան

